

## PLOANIES SAN MARTIN Y LUNGIARÜ

Le cor de dljia da La Plí invièia dèr bel al "Cianté a Santa Maria" incö domènia, ai 26 de ma, dales 16.00, tla dljia da La Pli. Düc é dèr bel inviá!

Invit al iade a Kals por Les Antlés ai 30 de ma, *ciarede tl'ultima plata!*

### SAN MARTIN

Chi che é a òna da dí dant pro la prozesciun de Jeunn é bel peria da s'anunzié pro Leo 348 40 96 352.

Bel dilan dl'oferta en recordanza dla defunta Lena Ferdigg Piazza fata dal Cor de dljia da San Martin.

En la festa dl Cör de Gejú tignunse a San Martin la Prozesciun Eucaristica. Les uniuns é dèr bel periades da chirí porsones da porté les statues, le cil, y i,i,

Al vègn injunté a chèsta plata dla cöra na informaziun che reverda le liber sön les VOCAZIUNS, che é gnü dé fora dala diozeja. Düc é dèr bel inviá da fá para.

### LUNGIARÜ

Cun ligrèza tolunse ite a Lungiarü les mitans y i mituns dla Pröma Comuniun te nosta comunité. Gejú dij pö tl vangele do san Lúca (22,15): I m'á dèr dejdré da tigní chësc past cun os. Insciö ti audunse ai mituns y ales mitans dla Pröma Comuniun, y ince a nos, na bela incuntada sintida cun Gejú y inanter nos, y na bela festa che ti restes imènt por döta la vita a chisc pici: Giulia, Marc, Rafael, Sophie, Matî, Nicole y Natalie.

N bel dilan dles ofertes en recordanza dla defunta Maria Dapoz fates por la dljia da Pio y Wally Pescoller, dal fre Albert, da Carlo Castlunger, dal grup che romèna sö la dljia, dal'Uniun di iagri da Lungiarü, dal Cor de dljia da Lungiarü, dal'Uniun dla mujiga da San Martin y por la Spona dal Revier di jagri da Rina.

I oressun ti dí de cör n dilan fort a dötes chës porsones che é gnüdes a daidé lavé la dljia. Bel dilan y che ldí ves al paies. *le consèi de cöra*

En la Festa dles Antlés tignunse do mèssa la prozesciun eucaristica cun dui vangeli. I periun dötes les uniuns da fistidié da porté sciöch'al é usanza statues, bandires y i.i. do l'ordin sön la plata injuntada.

I sun düc dèr bel inviá da porté pro che la prozesciun garetes.

La Scora da Lungiarü invièia en mertesc, ai 28 de ma, dales 18.00, a:

Singen, tonzn, lochn heint lossmos krochn. Drum seits gscheid - kemts vorbeil!  
Einladung zur Abschlussveranstaltung vom Musigkischtl XXL. Düc é bëgnodüs.

-----

La Portina por l'Assistènza y la Cura organisèia en vëndres, ai 31 de ma, dales 15.00 ales 16.30, tla Ciasa de Palsa a San Martin n domisdé "Co fá le guern a ciasa" Al gnará mostré co fá l'igièna y la cura dl corp, dla bocia, di pîsc, dla pel, la prevenziun dles plaies y co fá l'ambiènt da sté plü sauri cun n bun tof y öri eterics - cun l'infermiera Margot Pizzinini y cun les operadèsses sozio-assistenziales Magdalena Crazzolarà y Nicole Trebo. Düc é dèr bel inviá!



[unitepastorala.org](http://unitepastorala.org)

## Plata dles Ploanies San Martin y Lungiarü

ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**26.05. - 02.06.24 n. 26**

*ultimo termo por comunicaziuns: jöbia, dales 20.00*

## DOMÈNIA DLA TRINITÉ - B

### Vangele do san Matî 28,16-20

I önesc discepui ê jüs tla Galilea sön la munt che Gejú ti â dè dant. Y canch' ai â odü Gejú, s' ai inslenè dan da d'èl. Mo valgügn dubitâ.

Dailò ti é Gejú jü pormez y ti à dit:

A mé m'él dè döta la potesté tl cil y söla tera. Porchël jide da düc i popui y fajede fora de döta la jënt mi discepui; batiedi tl inom dl Pere y dl Fi y dl Spirit Sant, y insignedi da osservè döt ci che iö ves à racomanè. *Çiarede: Iö sun pro os düc i dis cina ala fin dl monn.*



*Nia cun conscideraziuns teologiches, mo cun na impormetüda dèr concreta stluj jö le vangelist Matî so vangele "I sun pro os düc i dis cina ala fin dl monn." Al é n testamënt definitif che Gejú nes lascia indô.*

*Chèsta impormetüda ciافunse ince bele tl mëteman de so vangele tl inom "Emanuel", che ó dí: Idí cun nos.*

*Y spo amesa so vangele:*

*"Olache dui o trèi é abiná te mi inom, dailò sunsi amesa èi ite."*

*Dala impormetüda "I sun pro os!" podunse tó forza y fidènza, anfat ci che nes vègn decuntra, i podun ester sigüsc dla presènza dl Ressorì.*

*Mo le comportamènt di discepui n'é nia dalunc da nosta situaziun dal dedaincö: Ai s'á inslené dan da Gejú, mo n valgügn dubitâ.*

*Matî caraterisèia i discepui bëgn scialdi sciöche porsones credèntes, mo ti momènc olache süa fedè vègn metüda ala proa é chèsta süa fedè picera: "Ciodí èise pa na te' tëma?"*

*"Pire á metü man da jí sot .... Chestian de pücia fedè, ciodí aste pa dubité?" Gejú á comprenjiun cun nosta pücia fedè, inlaota y ince incö.*

*Nia por nosc mirit, mo de süa buna nes conforta Gejú cun l'assicuraziun "I sun pro os!"*

*Chèsta assiguraziun ó le vangelist Matî, pro döta nosta pücia fedè y nosta tëma, nes dé por testamènt. Chèsta impormetüda ól nes scrí ite sot tl cör.*

EDEMA - B	SAN MARTIN	LUNGIARÜ	Por la Domènia dles families
<b>26.05.24</b> <b>DOMÈNIA DLA TRINITÉ</b>  <b>DOMÈNIA DLES FAMILIES</b>	<u>7.45</u> <b>Corona</b> <u>8.15</u> <b>Gran Mëssa por la Comunità</b> en onur dl Spirit Sant ++ Zingerle, Col ++ Giovanni y Teresa Flöss <b>14.30 Bato sön Badia de Serafin Frenner</b> de Marlene y German <b>19.30 Corona de ma sö Ju</b>	<b>Festa dla Pröma Comuniun</b> <b>10.00 Ingres te dljia</b> <b>y festa dla pröma S. Comuniun</b>	<b>Por la Domènia dles families</b> <i>siur Heinrich cunta</i> <i>de n avvenimènt te süa familia:</i> Èl ê le terzo de set fredesc y sorus de na familia plütosc dala meseria sön le pice lüch da Linacia sura Sëlva. Deach'ai â te ciasadafüch n frogoré davert, êl n ostí che condejô da d'ei les mesanes de cioce a lascé sciomié dal föm che tirá itissö por ciamin canch'al gnô cujiné y fat füch tl mogun te ciasadafüch. La familia da Linacia, che ne sciafiâ nia instëssa da tigní n porcel, â por mëisc alalungia dan dai edli chës mesanes de cioce ch'ara messâ ti dé beles sciomiades y intieres indô al ostí. Heini, che â 8 o 9 agn, n'è n dé nia plü sté bun da se paré dala gola y n'â taié jö n valgönes sones setides speran che degügn ne s'inteness. Mo deache le cortel â trat n pü' cech, s'n'â l'ostí intenü y â bruntoré dassënn pro la uma. Do avèi fat l'avaié te majun ê Heini jü jön cianô olache Emil, so fre plü jonn co ël, sfenô tapi. Chël ne mintí mai; y ti â porchël dit. "Diji pa la verité al pere, al é pa dessené!" Le pere y la uma tignî dër alalt le dit "Le mintí y l'arobé stá sön le medemo scalin." Canche le pere ê gnü a ciasa êl jü jön cianô y l'â damané: "Este sté tö chël che á taié jö dla mesana?" Plëgn de tēma â Heini respognü de scé. "Comá che t'as dit la verité, ne te castiēii nia, mo ne sté pa plü a le fá!" â dit le pere. Pro mësa te stüa êl ma lerch por cater: por la lâ, le pere, la uma y le fre plü vedl, deperpo che i atrí stô sön le banch de stüa a mangé. En chë sēra â le pere dit: "Heini, insnöt poste tö gní ca pro mësa a cēna dlungia nos impede to fre." La scincunda dl pordonn y dl amur dl pere y l'ejēmpl de sinzirité dl fre ti ê jüs dēr sot a Heini.
27.05.24 <i>Lönesc Agostin, Bruno</i>	<b>19.30 Corona de ma a Picolin</b>		
28.05.24 <i>Wilhelm, Peregrin</i> <b>Dedolönesc</b>	<b>8.00 Mëssa</b> + Pio Baldissera vis y def. dla fam. Trebo, Pension Tor	<b>19.30 Corona tla capela da Seres</b>	
29.05.24 <b>Dedemesaledema</b> <i>Paul VI., Sisin y compagns</i>	<b>20.00 Corona de ma sö Frëina</b>	<b>7.30 Mëssa y dedô Corona de ma</b> por les families da Rosalia Pedevilla dl ann ++ Pire Clara y Paolo Costa vis y def. de Monica Costa	
30.05.24 <b>Jöbia</b> <i>Otto Neururer, Ferdinand</i>	<b>9.00 Mëssa di scolars</b> + Mariangel Tavella <b>19.30 Corona de ma a Bioch</b>		
31.05.24 <i>Petronila, Metilda</i> <b>Vëndres</b>	<b>18.30 Adoraziun chîta</b> <b>19.00 Adoraziun deboriada</b>	<b>16.30 Funziun de ma por mituns y famil.</b> <b>19.30 Corona de ma fora dala Grota</b>	
01.06.24 <b>Sabeda</b> <i>Iustin, Flor</i>	<b>18.30 Mëssa prefestia</b> + Paul Vantsch, dl ann + Pire Sorà + Franz Planatscher		
<b>02.06.24</b> <b>FESTA DLES ANTLÉS</b>	<u>8.30</u> <b>Corona por vocaziuns</b> <u>9.00</u> <b>Liturgia dla Parora de Dî</b>	<u>8.00</u> <b>Mëssa solèna por la Comunità</b> <b>y prozesciun eucaristica</b> ( <i>siur Klaus</i> ) de rengr. fam. Michael Clara + Vinzenz (postin) y Any Clara + Ida Clara, Mair + Florino Mischì + Albina Pezzei, Frëina	
<b>Döt le bun a chi che complësc i agn de jügn</b> <b>a San Martin:</b> Regina Planatscher Unterweger che nen complësc 80 ai 5 Lois Clara che nen complësc 89 ai 15 Herta Prousch Rungger che nen complësc 82 ai 17		<b>a Lungiarü</b> Waltraud (Wally) Greif Pescoller che nen complësc 80 ai 9 Monica Clara Mischì che nen complësc 92 ai 13 Giovanna Paratscha Chiusura che nen complësc 81 ai 24 Giovanni Mischì (Frëina) che nen complësc 86 ai 30	